

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-7-999/15
Sarajevo, 15.07.2015. godine

Z A P I S N I K
**2. SJEDNICE DOMA NARODA PARLAMENTA FEDERACIJE BOSNE I
HERCEGOVINE, održane 15. jula 2015. godine**

Sjednica je počela u 11.40.

Sjednici je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila delegate, predsjednika Federacije BiH Marinka Čvaru, potpredsjednicu Meliku Mahmutbegović, potpredsjednika Milana Dunovića, premijera Federacije BiH Fadila Novalića, zamjenicu premijera Jelku Milićević, ministre u Vladi Federacije BiH, predstavnike akreditiranih medijskih kuća koji prate rad sjednice i goste.

Izostanak sa sjednice je najavio Slađan Ilić.

Na osnovu evidencije Stručne službe, predsjedavajuća je konstatovala da sjednici prisustvuje 51 delegat, što čini većinu, te Dom naroda može raditi i punovažno odlučivati.

Prije prelaska na rad, predsjedavajuća je dala na glasanje Zapisnik 3. vanredne sjednice Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH jednoglasno (47 glasova) usvojio Zapisnik 3. vanredne sjednice Doma naroda Parlamenta Federacije BiH od 08.06.2015. godine.

Potom je predsjedavajuća Doma naroda, na osnovu člana 104. Poslovnika o radu Doma naroda Parlamenta Federacije BiH, pozvala delegate da, ukoliko žele, postave delegatska pitanja i pokrenu inicijative.

Delegatska pitanja i inicijative

Drago Puzigaća je postavio pitanje premijeru Federacije i federalnom ministru poljoprivrede, vodoprivrede i šumarstva u vezi sa donošenjem Zakona o šumama u Federaciji BiH. Zatražio je pisani odgovor na ovo pitanje.

Tomislav Mandić je postavio dva pitanja.

Prvo pitanje je postavio Federalnom ministarstvu prometa i komunikacija i upravi Javnog preduzeća Autoceste Federacije BiH d.o.o. u vezi sa isplatom drugog zadržanog dijela sredstava nakon predaje i završetka radova za izvođače i podizvođače na dionici autocesta Počitelj – Biača, odnosno poddionici Zvirojevići – Kravce.

Drugo pitanje je uputio Federalnom ministarstvu prometa i komunikacija i upravi Javnog preduzeća Autoceste Federacije BiH d.o.o. u vezi sa zastojem u realizaciji radova na dionici Donja Gračanica – Drivuša i poddionici Drivuša – Klopče. Upućena su dva zahtjeva za vršenje upravnog nadzora nad radom javnog preduzeća Autoceste Federacije BiH i to upravnoj inspekciji Ministarstva pravde Federacije BiH i Ministarstvu prometa i komunikacija Federacije BiH te o rezultatima izvršenog nadzora obavijestiti Dom naroda.

Đuro Prkačin je postavio pitanje Vladi Federacije BiH, odnosno Javnom preduzeću Autoceste Federacije BiH u vezi sa izgradnjom ceste Stolac – Neum, te da li su osigurana sredstva i kada će početi izgradnja ove ceste.

Edim Fejzić je postavio pitanje federalnoj ministrici finansija u vezi sa transferom finansijskih sredstava nižim nivoima vlasti, odnosno kantonima.

Aner Žuljević je postavio jedno pitanje i uputio jednu inicijativu.

Pitanje je postavio Federalnom ministarstvu prostornog uređenja i Federalnom ministarstvu turizma i okoliša u vezi sa problematikom povratnika u Počitelj.

Inicijativu je uputio potpredsjedniku Federacije Milanu Dunoviću u vezi sa pokretanjem postupka ocjene ustavnosti Zakona o zakupu stana koji je usvojila Skupština Kantona Sarajevo.

Segmedina Bajramović-Srna je postavila jedno pitanje i uputila jednu inicijativu.

Pitanje je postavila Federalnom ministarstvu za pitanja boraca i invalida odbrambeno-oslobodilačkog rata u vezi sa procesom revizije u Zapadnohercegovačkom kantonu.

Inicijativu je uputila Kolegiju Doma naroda da se kao tačka dnevnog reda za narednu redovnu sjednicu uvrsti Nacrt Zakona o izmjenama i dopunama Zakona o vraćanju, dodjeli i prodaji stanova u Federaciji BiH koji je Predstavnički dom usvojio.

Željko Josić je postavio pitanje ministru Federalnog ministarstva poljoprivrede, vodoprivrede i šumarstva i Agenciji za vodno područje Save u vezi sa obnovom 22 kilometra savskog nasipa.

Anes Osmanović je postavio dva pitanja i uputio jednu inicijativu.

Prvo pitanje je postavio Federalnom ministarstvu poljoprivrede, vodoprivrede i šumarstva u vezi sa dostavljanjem informacije o svim isplaćenim poticajima u poljoprivredi u proteklom mandatu za Posavski kanton.

Drugo pitanje je postavio Vladi Federacije u vezi sa rješavanjem pitanja za porodijske naknade i njihovo usklađivanje u svim kantonima.

Inicijativu je pokrenuo u vezi sa formiranjem jedinstvenog porodijskog fonda na nivou Federacije BiH i izmjenu i dopunu svih zakona koji se odnose na porodilje.

Vesna Saradžić je postavila tri pitanja.

Prvo pitanje je uputila rukovodstvu Doma naroda u vezi sa formiranjem radnih tijela.

Drugo pitanje je postavila Federalnom ministarstvu za izbjegla i raseljena lica u vezi sa postavljanjem koordinatora za povratnike srpske nacionalnosti u Federaciji BiH.

Treće pitanje je postavila Federalnom ministarstvu pravde u vezi sa primjenom člana 83. Zakona o stvarnim pravima.

Slaviša Šućur je uputio dvije inicijative.

Prvu inicijativu je pokrenuo u vezi sa održavanjem vanredne sjednice Doma naroda na temu "reformaska agenda".

Drugu inicijativu je pokrenuo u vezi sa izglasavanjem nepovjerenja Vladi Federacije BiH.

Draženka Subašić je pokrenula inicijativu prema Vladi Federacije BiH u vezi sa promjenama Pravilnika o radu koje se odnose na prijem zaposlenika, za preduzeća, ustanove i agencije kojima je Vlada osnivač, vlasnik ili većinski vlasnik.

Nakon postavljenih delegatskih pitanja i pokrenutih inicijativa, prešlo se na utvrđivanje dnevnog reda.

Predsjedavajuća Doma naroda je obavijestila delegate da su Klub delegata hrvatskog naroda i Klub delegata bošnjačkog naroda zatražili da se sa sjednice skinu dvije tačke dnevnog reda koje su bile po hitnom postupku, budući da nije bilo predlagača i to: Prijedlog Zakona o izmjeni Zakona o poštanskom prometu Federacije BiH i Prijedlog Zakona o izmjenama i dopunama Zakona o stranim ulaganjima, te se ove tačke neće nalaziti na dnevnom redu.

Predsjedavajuća Doma naroda je predložila delegatima da se izjasne o prijedlogu Vlade Federacije BiH da se Prijedlog Zakona o privrednim društvima razmatrati po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz četiri uzdržana glasa i uz šest glasova protiv, prihvatio da se Prijedlog Zakona o privrednim društvima razmatra po hitnom postupku.

Predsjedavajuća Doma naroda je predložila delegatima da se izjasne o prijedlogu Vlade Federacije BiH da se sljedeći zakoni razmatraju po skraćenom postupku i to: Prijedlog Zakona o čeku, Prijedlog Zakona o izmjenama Zakona o tržištu vrijednosnih papira i Prijedlog Zakona o izmjenama Zakona o jedinstvenom sistemu registracije, kontrole i naplate doprinosa.

Predsjedavajuća Doma naroda je predložila delegatima da se izjasne o prijedlogu Vlade Federacije BiH da se Prijedlog Zakona o čeku razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 41 glasom za, uz pet uzdržanih glasova i uz tri glasa protiv, prihvatio da se Prijedlog Zakona o čeku razmatra po skraćenom postupku.

Predsjedavajuća Doma naroda je predložila delegatima da se izjasne o prijedlogu Vlade Federacije BiH da se Prijedlog Zakona o izmjenama Zakona o jedinstvenom sistemu registracije i kontrole i naplate doprinosa razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 38 glasova za, uz sedam uzdržanih glasova i uz tri glasa protiv, prihvatio da se Prijedlog Zakona o izmjenama Zakona o jedinstvenom sistemu registracije, kontrole i naplate doprinosa razmatra po skraćenom postupku.

Predsjedavajuća Doma naroda je obavijestila delegate da su Klub delegata hrvatskog naroda i Klub delegata bošnjačkog naroda zatražili da se sa sjednice skinu tačke - Izvještaj o rezultatima i aktivnostima Institucije ombudsmana za ljudska prava u BiH za 2014. godinu i Izvještaj o pojavama diskriminacije u BiH za 2014. godinu, budući da nije bilo predlagača.

Predsjedavajuća Doma naroda je, također, predložila da se Prijedlog javnih investicija Federacije BiH 2015. – 2017. godina skine sa dnevnog reda.

Predsjedavajuća Doma naroda je predložila delegatima da se izjasne o prijedlogu Vlade Federacije BiH da se Prijedlog Zakona o izmjenama Zakona o tržištu vrijednosnih papira razmatra po skraćenom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 34 glasa za, uz sedam uzdržanih glasova i uz četiri glasa protiv, prihvatio da se Prijedlog Zakona o izmjenama Zakona o tržištu vrijednosnih papira razmatra po skraćenom postupku.

Predsjedavajuća Doma naroda je stavila na glasanje prijedlog Vlade Federacije BiH da se Prijedlog Zakona o izmjeni Zakona o poštanskom prometu Federacije BiH skine sa dnevnog reda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, uz četiri uzdržana glasa i uz jedan glas protiv, prihvatio da se Prijedlog Zakona o izmjeni Zakona o poštanskom prometu Federacije BiH skine sa dnevnog reda.

Predsjedavajuća Doma naroda je stavila na glasanje prijedlog Vlade Federacije BiH da se Prijedlog Zakona o izmjenama i dopunama Zakona o stranim ulaganjima skine sa dnevnog reda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 41 glasom za, uz jedan uzdržani glas i uz tri glasa protiv, prihvatio da se Prijedlog Zakona o

izmjenama i dopunama Zakona o stranim ulaganjima skine sa dnevnog reda.

Predsjedavajuća Doma naroda je stavila na glasanje da se Izvještaj o rezultatima aktivnosti Institucije ombudsmana za ljudska prava BiH za 2014. godinu i Izvještaj o pojavama diskriminacije u BiH za 2014. godinu skine sa dnevnog reda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 41 glasom za, uz tri uzdržana glasa i uz dva glasa protiv, prihvatio da se Izvještaj o rezultatima aktivnosti Institucije ombudsmana za ljudska prava BiH za 2014. godinu i Izvještaj o pojavama diskriminacije u BiH za 2014. godinu skine sa dnevnog reda.

Predsjedavajuća Doma naroda je stavila na glasanje da se Program javnih investicija u Federaciji BiH 2015. – 2017. godina skine sa dnevnog reda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 40 glasova za, uz četiri uzdržana glasa i uz tri glasa protiv, prihvatio da se Program javnih investicija u Federaciji BiH 2015. – 2017. godina skine sa dnevnog reda.

Predsjedavajuća Doma naroda je stavila na glasanje prijedlog Slaviše Šućura da se izbor za člana Regulatorne komisije skine sa dnevnog reda.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH, sa 27 glasova za, uz pet uzdržanih glasova i uz 20 glasova protiv, nije prihvatio prijedlog Slaviše Šućura da se izbor za člana Regulatorne komisije skine sa dnevnog reda.

Potom je predsjedavajuća Doma naroda stavila na glasanje dnevni red i konstatovala da je Dom naroda Parlamenta Federacije, sa 34 glasa za, uz 10 uzdržanih glasova i uz sedam glasova protiv, usvojio sljedeći:

D N E V N I R E D

1. Prijedlog Zakona o privrednim društvima - hitni postupak;
2. Prijedlog Zakona o izmjenama Zakona o čeku - skraćeni postupak;
3. Prijedlog Zakona o izmjenama Zakona o tržištu vrijednosnih papira - skraćeni postupak;
4. Prijedlog Zakona o izmjenama Zakona o Jedinostvenom sistemu registracije, kontrole i naplate doprinosa - skraćeni postupak;
5. Prijedlog Zakona o preuzimanju dioničkih društava;
6. Nacrt Zakona o porezu na dobit;
7. Nacrt Zakona o izmjenama i dopunama Zakona o internoj reviziji u javom sektoru Federacije BiH;
8. Nacrt Zakona o Trezoru u Federaciji BiH;
9. Nacrt Zakona o finansijskom upravljanju i kontroli u javnom sektoru u Federaciji BiH;

10. Prijedlog Odluke o prihvatanju zaduženja po Sporazumu drugog programskog zajma između BiH i Svjetske banke – Međunarodne banke za obnovu i razvoj (IBRD) za razvojne politike poslovnog okruženja,
Programski dokument za predloženi zajam u iznosu ekvivalentnom 50.000.000 dolara za BiH za zajam za razvojnu politiku poslovnog ambijenta,
Sporazum o zajmu (Zajam za razvojnu politiku poslovnog ambijenta) između BiH i Međunarodne banke za obnovu i razvoj Zapisnik sa pregovora,
Informacija o drugom programskom zajmu Međunarodne banke za obnovu i razvoj (IBRD) za razvojne politike poslovnog okruženja (Development Policy Loan, DPL);
11. Prijedlog Odluke o prihvatanju zaduženja po Okvirnom sporazumu o zajmu između BiH i Razvojne banke Vijeća Evrope (CEB) za realizaciju Projekta zatvaranja kolektivnih centara i alternativnog smještaja,
Okvirni sporazum o kreditu između Razvojne banke Vijeća Evrope i BiH
Tabela troškova
Informacija o zajmu Razvojne banke Vijeća Evrope za finansiranje Projekta zatvaranja kolektivnih centara i alternativnog smještaja putem osiguranja javnih stambenih rješenja na području Federacije BiH;
12. Prijedlog Odluke o prihvatanju zaduženja po Sporazumu o zajmu između BiH i Saudijskog fonda za razvoj za realizaciju Projekta „Razvoj infrastrukture u Goraždu“,
Sporazum o zajmu za Projekt “Razvoj infrastrukture u Goraždu” između Saudijskog fonda za razvoj i BiH (neslužbeni prijevod),
Nacrt Supsidijarnog sporazuma između BiH, koju zastupa Ministarstvo finansija i trezora (zajmoprimac) i Federacije BiH, koju zastupa Federalno ministarstvo finansija (FBiH) radi finansiranja Projekta “Razvoj infrastrukture u Goraždu”,
Informacija o zajmu Saudijskog fonda za razvoj za finansiranje Projekta „Razvoj infrastrukture u Goraždu“,
Zapisnik sa pregovora o Nacrtu Sporazuma o zajmu za Projekt „Razvoj infrastrukture u Goraždu“ između BiH i Saudijskog fonda za razvoj;
13. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji”,
Distribucija električne energije u BiH/C - Ugovor o finansiranju između BiH i Evropske investicione banke,
Podugovor o finansiranju za Projekat “Električna distribucija BiH (2010-0562) - izgradnja sistema pametnih mjerenja u elektrodistribuciji između Federacije BiH, koju predstavlja Federalno ministarstvo finansija i Javnog preduzeća Elektroprivreda BiH d.d. Sarajevo,
Supsidijarni sporazum (distribucija električne energije u BiH/C) između BiH i Federacije BiH,

Informacija o kreditu Evropske investicione banke (EIB) za Projekt „Električna distribucija BiH (2010-0562) - izgradnja sistema pametnih mjerenja u elektrodistribuciji“,

- Prijedlog Odluke o prihvatanju zaduženja po Ugovoru o finansiranju između BiH i Evropske investicione banke (EIB) za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji”,
 Distribucija električne energije u BiH/B - Ugovor o finansiranju između BiH i Evropske investicione banke,
 Podugovor o finansiranju za Projekt “Električna distribucija BiH (2010-0562) - izgradnja sistema pametnih mjerenja u elektrodistribuciji između Federacije BiH, koju predstavlja Federalno ministarstvo finansija i Javnog preduzeća Elektroprivreda HZ Herceg-Bosna d.d. Mostar,
 Supsidijarni sporazum (distribucija električne energije u BiH/B) između BiH i Federacije BiH,
 Informacija o kreditu Evropske investicione banke (EIB) za Projekt „Električna distribucija BiH (2010-0562) – izgradnja sistema pametnih mjerenja u elektrodistribuciji“;
13. Prijedlog Odluke o prihvatanju zaduženja po Ugovoru o finansiranju između BiH i Evropske investicione banke (EIB) za realizaciju Projekta „Obnovljiva energija HE Vranduk“,
 Obnovljiva energija HE Vranduk - Ugovor o finansiranju između BiH i Evropske investicione banke,
 Supsidijarni sporazum (Obnovljiva energija HE Vranduk) između BiH i Federacije BiH,
 Podugovor o finansiranju za Projekt „Obnovljiva energija Hidroelektrana Vranduk" između Federacije BiH, koju predstavlja Federalno ministarstvo finansija i Javnog preduzeća Elektroprivreda BiH d.d. Sarajevo,
 Informacija o kreditu Evropske investicione banke za Projekt „Obnovljiva energija HE Vranduk“;
15. Prijedlog Odluke o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti,
 Projektni sporazum (Projekt energetske efikasnosti) između Međunarodne asocijacije za razvoj i Federacije BiH,
 Sporazum o finansiranju (Projekt energetske efikasnosti) između BiH i Međunarodne asocijacije za razvoj,
 Dokument o procjeni Projekta za predloženi kredit u iznosu od (sdrxx/eurxx/ostalo) miliona (ekvivalent us\$32 miliona) za BiH za Projekt energetske efikasnosti,
 Usaglašeni zapisnik sa pregovora između BiH i Međunarodne asocijacije za razvoj za Projekt energetske efikasnosti,
 Dodatak usaglašenom zapisniku sa pregovora između BiH i Međunarodne asocijacije za razvoj za Projekt energetske efikasnosti,
 Informacija o kreditu Međunarodne asocijacije za razvoj (IDA) za realizaciju Projekta energetska efikasnost;
16. Prijedlog Finansijskog plana – Budžeta FERK-a za 2015. godinu;
17. Izvještaj o stanju poljoprivrede (Zeleni izvještaj) u Federaciji BiH za 2014. godinu;
18. Izvještaj o radu Agencije za bankarstvo Federacije BiH za 2014. godinu,
 Informacija o bankarskom sistemu Federacije BiH za 2014. godinu,
 Informacija o mikrokreditnom sistemu Federacije BiH sa stanjem na dan, 31.12.2014. godine,

- Informacija o sektoru lizinga Federacije BiH sa stanjem na dan, 31.12.2014. godine,
 Izvještaj o radu samostalnog odjela Ombudsmana za bankarski sistem za period 01.04. - 31.12.2014. godine,
 Odluka o usvajanju informacije o bankarskom sistemu Federacije BiH za 2014. godinu,
 Odluka o usvajanju informacije o mikrokreditnom sistemu Federacije BiH sa stanjem na dan, 31.12.2014. godine,
 Odluka o usvajanju informacije o sektoru lizinga Federacije BiH sa stanjem na dan, 31.12.2014. godine,
 Odluka o usvajanju izvještaja o radu Agencije za bankarstvo Federacije BiH za 2014. godinu,
 Odluka o usvajanju izvještaja o radu samostalnog odjela Ombudsmana za bankarski sistem za period 01.04. - 31.12.2014. godine;
19. Izvještaji o zaduženju Federacije BiH na osnovu emisije trezorskih zapisa dostavljenih 03.07.2014.; 22.08.2014. i 05.09.2014. godine;
 20. izvještaji o zaduženju Federacije BiH na osnovu emisije trezorskih zapisa dostavljenih 20.03.2015.; 28.04.2015. i 05.05.2015. godine;
 21. Izvještaj o zaduženju Federacije BiH na osnovu emisije obveznica dostavljen 29.09.2014. godine;
 22. Izvještaj o zaduženju Federacije BiH na osnovu emisije obveznica na dan, 12.05.2015. godine;
 23. Izvještaj o zaduženju Federacije BiH na osnovu emisije obveznica na dan, 02.06.2015. godine;
 24. Izbor i imenovanja:
 - Rješenje o prijedlogu za imenovanje jednog člana Regulatorne komisije za energiju u Federaciji BiH iz reda bošnjačkog naroda,
 - Prijedlog Odluke o razrješenju člana Nezavisnog odbora

1. Prijedlog Zakona o privrednim društvima - hitni postupak

Vlada Federacije BiH je dostavila Prijedlog Zakona Parlamentu Federacije BiH.

Predstavnički dom Parlamenta Federacije je na nastavku 28. vanredne sjednice od 24.07.2014. godine usvojio ovaj prijedlog Zakona.

Prijedlog Zakona je obrazložio Stipe Buljan, sekretar u Federalnom ministarstvu energije, rudarstva i industrije.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 35 glasova za, uz osam uzdržanih glasova i uz dva glasa protiv, usvojio Prijedlog Zakona o privrednim društvima.

2. Prijedlog Zakona o izmjenama Zakona o čeku - skraćeni postupak

Vlada Federacije BiH je dostavila Prijedlog Zakona Parlamentu Federacije BiH.

Prijedlog Zakona je obrazložila Nusreta Čerkez, predstavnica Federalnog ministarstva finansija.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, uz 10 uzdržanih glasova i bez glasova protiv, usvojio Prijedlog Zakona o izmjenama Zakona o čeku.

3. Prijedlog Zakona o izmjenama Zakona o tržištu vrijednosnih papira - skraćeni postupak

Vlada Federacije BiH je dostavila Prijedlog Zakona Parlamentu Federacije BiH.

Prijedlog Zakona je obrazložila Nusreta Čerkez, predstavnica Federalnog ministarstva finansija.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, uz 10 uzdržanih glasova i uz jedan glas protiv, usvojio Prijedlog Zakona o izmjenama Zakona o tržištu vrijednosnih papira.

4. Prijedlog Zakona o izmjenama Zakona o Jedinstvenom sistemu registracije, kontrole i naplate doprinosa - skraćeni postupak

Vlada Federacije BiH je dostavila Prijedlog Zakona Parlamentu Federacije BiH.

Prijedlog Zakona je obrazložila Nusreta Čerkez, predstavnica Federalnog ministarstva finansija.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz sedam uzdržanih glasova i uz tri glasa protiv, usvojio Prijedlog Zakona o izmjenama Zakona o Jedinstvenom sistemu registracije, kontrole i naplate doprinosa.

5. Prijedlog Zakona o preuzimanju dioničkih društava

Vlada Federacije BiH je dostavila Prijedlog Zakona Parlamentu Federacije BiH.

Predstavnički dom Parlamenta Federacije je na nastavku 27. vanredne sjednice od 26.03.2014. godine usvojio Prijedlog Zakona.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 34 glasa za, uz devet uzdržanih glasova i uz četiri glasa protiv, usvojio Prijedlog Zakona o preuzimanju dioničkih društava.

6. Nacrt Zakona o porezu na dobit

Nacrt Zakona je utvrdila Vlada Federacije.

Predstavnički dom Parlamenta Federacije je na nastavku 31. vanredne sjednice od 08.07.2014. godine razmatrao Nacrt Zakona i Zaključkom ga prihvatio.

Nacrt Zakona je obrazložio Hajrudin Hadžimehanović, pomoćnik federalnog ministra finansija.

U raspravi su učestvovali: predsjednik Kluba delegata hrvatskog naroda Tomislav Martinović, Draženka Subašić i Mustafa Kurtović.

Predsjedavajuća je predložila delegatima da usvoje sljedeći:

Z A K L J U Č A K

1. Dom naroda Parlamenta Federacije BiH prihvaća Nacrt Zakona o porezu na dobit i smatra da može poslužiti kao osnov za izradu prijedloga Zakona.

2. Zadužuje se Vlada Federacije BiH da provede javnu raspravu do 31.10. po procedurama iz zajedničkih nadležnosti, a to podrazumijeva i raspravu i mišljenje skupština kantona.

3. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz devet uzdržanih glasova i uz jedan glas protiv, usvojio ovaj zaključak.

7. Nacrt Zakona o izmjenama i dopunama Zakona o internoj reviziji u javnom sektoru Federacije BiH

Nacrt Zakona je utvrdila Vlada Federacije.

Nacrt Zakona je obrazložila Fatima Obhodžaš, pomoćnica federalnog ministra finansija.

U raspravi nije niko učestvovao.

Predsjedavajuća je predložila delegatima da usvoje sljedeći:

Z A K L J U Č A K

1. Dom naroda Parlamenta Federacije BiH prihvaća Nacrt Zakona o izmjenama Zakona o internoj reviziji u javnom sektoru Federacije BiH i smatra da može poslužiti kao osnov za izradu prijedloga Zakona.

2. Zadužuje se Vlada Federacije BiH da provede javnu raspravu do 31.10.2015. godine.

3. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 35 glasova za, uz sedam uzdržanih glasova i uz četiri glasa protiv, usvojio ovaj zaključak.

8. Nacrt Zakona o trezoru u Federaciji BiH

Nacrt Zakona je utvrdila Vlada Federacije.

Predstavnički dom Parlamenta Federacije je na nastavku 30. sjednice od 04.06.2014. godine razmatrao Nacrt Zakona i Zaključkom ga prihvatio. Tom prilikom je Nacrt Zakona stavljen na javnu raspravu.

Nacrt Zakona je obrazložio predstavnik federalnog ministra finansija.

U raspravi je učestvovao predsjednik Kluba delegata hrvatskog naroda Tomislav Martinović.

Predsjedavajuća je predložila delegatima da usvoje sljedeći:

Z A K L J U Č A K

1. Dom naroda Parlamenta Federacije BiH prihvaća Nacrt Zakona o trezoru u Federaciji BiH i smatra da može poslužiti kao osnov za izradu prijedloga Zakona.

2. Zadužuje se Vlada Federacije BiH da organizira i provede javnu raspravu do 31.10. u skladu sa procedurama iz pojedinih nadležnosti što uključuje i mišljenje skupština.

3. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda i u javnoj raspravi.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz osam uzdržanih glasova i uz tri glasa protiv, usvojio ovaj zaključak.

9. Nacrt Zakona o finansijskom upravljanju i kontroli u javnom sektoru u Federaciji BiH

Nacrt Zakona je utvrdila Vlada Federacije.

Predstavnički dom Parlamenta Federacije je na nastavku 32. sjednice od 10.09.2014. godine razmatrao Nacrt Zakona i Zaključkom ga prihvatio.

Nacrt Zakona je obrazložio predstavnik federalnog ministra finansija.

U raspravi je učestvovao predsjednik Kluba delegata hrvatskog naroda Tomislav Martinović.

Predsjedavajuća je predložila delegatima da usvoje sljedeći:

Z A K L J U Č A K

1. Dom naroda Parlamenta Federacije BiH prihvaća Nacrt Zakona o finansijskom upravljanju i kontroli u javnom sektoru u Federaciji BiH i smatra da može poslužiti kao osnov za izradu prijedloga Zakona.

2. Zadužuje se Vlada Federacije BiH da organizira i provede javnu raspravu do 31.10.2015. godine u skladu sa procedurama iz pojedinih nadležnosti putem kantonalnih skupština.

3. Zadužuje se Vlada Federacije BiH da prilikom izrade prijedloga Zakona ima u vidu primjedbe, prijedloge i sugestije iznesene na sjednici Doma naroda i tokom javne rasprave.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 35 glasova za, uz 10 uzdržanih glasova i uz jedan glas protiv, usvojio ovaj zaključak.

10. Prijedlog Odluke o prihvatanju zaduženja po Sporazumu drugog programskog zajma između BiH i Svjetske banke – Međunarodne banke za obnovu i razvoj (IBRD) za razvojne politike poslovnog okruženja

Vlada Federacije BiH je dostavila Prijedlog Odluke Parlamentu Federacije BiH.

Predstavnički dom Parlamenta Federacije je na 1. sjednici, održanoj 13.05.2015. godine, donio Odluku o prihvatanju zaduženja po Sporazumu drugog programskog zajma između BiH i Svjetske banke – Međunarodne banke za obnovu i razvoj (IBRD) za razvojne politike poslovnog okruženja uz zaključak.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 32 glasa za, uz 12 uzdržanih glasova i uz dva glasa protiv, donio Odluku o prihvatanju zaduženja po Sporazumu drugog programskog zajma između BiH i Svjetske banke – Međunarodne banke za obnovu i razvoj (IBRD) za razvojne politike poslovnog okruženja.

11. Prijedlog Odluke o prihvatanju zaduženja po Okvirnom sporazumu o zajmu između BiH i Razvojne banke Vijeća Evrope (CEB) za realizaciju Projekta zatvaranja kolektivnih centara i alternativnog smještaja

Okvirni sporazum o kreditu između Razvojne banke Vijeća Evrope i BiH

Vlada Federacije BiH je Prijedlog Odluke dostavila Parlamentu Federacije BiH.

Predstavnički dom Parlamenta Federacije je na 1. sjednici, održanoj 13.05.2015. godine, donio Odluku o prihvatanju zaduženja po Okvirnom sporazumu o zajmu između BiH i Razvojne banke Vijeća Evrope (CEB) za realizaciju Projekta zatvaranja kolektivnih centara i alternativnog smještaja.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 35 glasova za, uz 10 uzdržanih glasova i uz jedan glas protiv, donio Odluku o prihvatanju zaduženja po Okvirnom sporazumu o zajmu između BiH i Razvojne banke Vijeća Evrope (CEB) za realizaciju Projekta zatvaranja kolektivnih centara i alternativnog smještaja.

12. Prijedlog Odluke o prihvatanju zaduženja po Sporazumu o zajmu između BiH i Saudijskog fonda za razvoj za realizaciju Projekta „Razvoj infrastrukture u Gorazdu“

Vlada Federacije BiH je dostavila Prijedlog Odluke Parlamentu Federacije BiH.

Predstavnički dom Parlamenta Federacije je na nastavku 31. sjednice, održane 09.07.2014. godine, donio Odluku o prihvatanju

zaduženja po Sporazumu o zajmu između BiH i Saudijskog fonda za razvoj za realizaciju Projekta „Razvoj infrastrukture u Goraždu“.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz sedam uzdržanih glasova i uz dva glasa protiv, donio Odluku o prihvatanju zaduženja po Sporazumu o zajmu između BiH i Saudijskog fonda za razvoj za realizaciju Projekta „Razvoj infrastrukture u Goraždu“.

13. Prijedlog Odluke o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji”

Vlada Federacije BiH je dostavila Prijedlog Odluke Parlamentu Federacije BiH.

U raspravi je učestvovao Anes Osmanović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 34 glasa za, uz pet uzdržanih glasova i uz šest glasova protiv, donio Odluku o prihvatanju zaduženja po Ugovoru o finansiranju između BiH i Evropske investicijske banke (EIB) za realizaciju Projekta „Električna distribucija BiH (2010-0562) – izgradnja sistema pametnih mjerenja u elektrodistribuciji”.

14. Prijedlog Odluke o prihvatanju zaduženja po Ugovoru o finansiranju između BiH i Evropske investicione banke (EIB) za realizaciju Projekta „Obnovljiva energija HE Vranduk“

Vlada Federacije BiH je dostavila Prijedlog Odluke Parlamentu Federacije BiH.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 34 glasa za, uz osam uzdržanih glasova i uz šest glasova protiv, donio Odluku o prihvatanju zaduženja po Ugovoru o finansiranju između BiH i Evropske investicione banke (EIB) za realizaciju Projekta „Obnovljiva energija HE Vranduk“.

15. Prijedlog Odluke o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti

Vlada Federacije BiH je dostavila Prijedlog Odluke Parlamentu Federacije BiH.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 37 glasova za, uz sedam uzdržanih glasova i uz tri glasa protiv, donio Odluku o prihvatanju zaduženja po Sporazumu o finansiranju između BiH i Međunarodne asocijacije za razvoj (IDA) za realizaciju Projekta energetske efikasnosti.

16. Prijedlog Finansijskog plana – Budžeta FERK-a za 2015. godinu

Regulatorna komisija za energiju u Federaciji BiH dostavila je Parlamentu Federacije BiH Prijedlog Finansijskog plana Budžeta FERK-a za 2015. godinu.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 35 glasova za, uz sedam uzdržanih glasova i uz šest glasova protiv, usvojio Prijedlog Finansijskog plana Budžeta FERK-a za 2015. godinu.

17. Izvještaj o stanju poljoprivrede (Zeleni izvještaj) u Federaciji BiH za 2014. godinu

Vlada Federacije BiH je dostavila Parlamentu Federacije BiH izvještaj o stanju poljoprivrede, Zeleni izvještaj.

Izvještaj je obrazložio Bešćo Alibegović, predstavnik Federalnog ministarstva poljoprivrede, vodoprivrede i šumarstva.

U raspravi je učestvovao Mirvet Beganović.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 28 glasova za, uz 13 uzdržanih glasova i uz sedam glasova protiv, prihvatio Izvještaj o stanju poljoprivrede (Zeleni izvještaj) u Federaciji BiH za 2014. godinu sa preporukama sadržanim u Izvještaju.

18. Izvještaj o radu Agencije za bankarstvo Federacije BiH za 2014. godinu

**Informacija o bankarskom sistemu Federacije BiH za 2014. godinu
Informacija o mikrokreditnom sistemu Federacije BiH sa stanjem na dan, 31.12.2014. godine**

Izvještaj o radu samostalnog odjela Ombudsmana za bankarski sistem za period 01.04. - 31.12.2014. godine

Odluka o usvajanju informacije o bankarskom sistemu Federacije BiH za 2014. godinu

Odluka o usvajanju informacije o mikrokreditnom sistemu Federacije BiH sa stanjem na dan, 31.12.2014. godine

Odluka o usvajanju informacije o sektoru lizinga Federacije BiH sa stanjem na dan, 31.12.2014. godine

Odluka o usvajanju izvještaja o radu Agencije za bankarstvo Federacije BiH za 2014. godinu

Odluka o usvajanju izvještaja o radu samostalnog odjela Ombudsmana za bankarski sistem za period 01.04. - 31.12.2014. godine

Agencija za bankarstvo Federacije BiH je dostavila Parlamentu Federacije BiH izvještaje o radu Agencije za bankarstvo Federacije BiH za 2014. godinu.

Izvještaj je obrazložio Zlatko Barš, predstavnik Agencije za bankarstvo Federacije BiH.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, uz šest uzdržanih glasova i uz 13 glasova protiv, prihvatio Izvještaj o radu Agencije za bankarstvo Federacije BiH za 2014. godinu sa Informacijom o bankarskom sistemu Federacije BiH za 2014. godinu, Informacijom o mikrokreditnom sistemu Federacije BiH sa stanjem na dan, 31.12.2014. godine, Informacijom o sektoru lizinga Federacije BiH sa stanjem na dan, 31.12.2014. godine i Izvještajem o radu samostalnog odjela Ombudsmana za bankarski sistem za period 01.04. - 31.12.2014. godine.

Budući da je izražena sumnja u rezultate glasanja, pristupilo se poimeničnom glasanju, koje je obavio sekretar Doma naroda.

Na osnovu rezultata poimeničnog glasanja, predsjedavajuća je konstatovala da Dom naroda Parlamenta Federacije BiH, sa 25 glasova za, uz 12 uzdržanih glasova i uz 12 glasova protiv, nije prihvatio Izvještaj o radu Agencije za bankarstvo Federacije BiH za 2014. godinu sa Informacijom o bankarskom sistemu Federacije BiH za 2014. godinu, Informacijom o mikrokreditnom sistemu Federacije BiH sa stanjem na dan, 31.12.2014. godine, Informacijom o sektoru lizinga Federacije BiH sa stanjem na dan, 31.12.2014. godine i Izvještajem o radu samostalnog odjela Ombudsmana za bankarski sistem za period 01.04. - 31.12.2014. godine.

19. Izvještaji o zaduženju Federacije BiH na osnovu emisije trezorskih zapisa dostavljenih 03.07.2014.; 22.08.2014. i 05.09.2014. godine

Vlada Federacije BiH dostavila je Parlamentu Federacije izvještaje o zaduženju Federacije BiH na osnovu emisije trezorskih zapisa koje je Vlada Federacije usvojila 02.07.; 20.08. i 03.09.2014. godine.

Predstavnički dom Parlamenta Federacije je na 1. sjednici, održanoj 13.05.2015. godine, primio na znanje ove izvještaje.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, uz 13 uzdržanih glasova i uz četiri glasa protiv, primio na znanje izvještaje o zaduženju Federacije BiH na osnovu emisije trezorskih zapisa dostavljenih 03.07.2014.; 22.08.2014. i 05.09.2014. godine.

20. Izvještaj o zaduženju Federacije BiH na osnovu emisije trezorskih zapisa dostavljenih 20.03.2015.; 28.4.2015. i 05.05.2015. godine

Vlada Federacije BiH dostavila je Parlamentu Federacije Izvještaj o zaduženju Federacije BiH na osnovu emisije trezorskih zapisa dostavljenih 20.03.2015.; 28.04.2015. i 05.05.2015. godine.

Predstavnički dom Parlamenta Federacije je na 1. sjednici, održanoj 13.05.2015. godine primio na znanje izvještaj dostavljen 20.03.2015. godine.

Izvještaj je obrazložio Vedad Nezirić, šef Odsjeka za zaduživanje u Federalnom ministarstvu finansija.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za, uz 14 uzdržanih glasova i uz četiri glasa protiv, primio na znanje Izvještaj o zaduženju Federacije BiH na osnovu emisije trezorskih zapisa dostavljenih 20.03.2015.; 28.4.2015. i 05.05.2015. godine.

21. Izvještaj o zaduženju Federacije BiH na osnovu emisije obveznica dostavljen 29.09.2014. godine

Vlada Federacije BiH dostavila je Parlamentu Federacije Izvještaj o zaduženju Federacije BiH na osnovu emisije obveznica dostavljen 29.09.2014. godine, koji je Vlada Federacije usvojila 16.09.2014. godine.

Predstavnički dom Parlamenta Federacije je na 1. sjednici, održanoj 13.05.2015. godine, primio na znanje ovaj izvještaj.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za, uz 14 uzdržanih glasova i uz tri glasa protiv, primio na znanju Izvještaj o zaduženju Federacije BiH na osnovu emisije obveznica dostavljen 29.09.2014. godine.

22. Izvještaj o zaduženju Federacije BiH na osnovu emisije obveznica na dan, 12.05.2015. godine

Vlada Federacije BiH dostavila je Parlamentu Federacije Izvještaj o zaduženju Federacije BiH na osnovu emisije obveznica dostavljen 29.09.2014. godine, koji je Vlada Federacije usvojila 02.06.2015. godine.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, uz 10 uzdržanih glasova i uz pet glasova protiv, primio na znanje Izvještaj o zaduženju Federacije BiH na osnovu emisije obveznica dostavljen 02.06.2015. godine.

23. Izvještaj o zaduženju Federacije BiH na osnovu emisije obveznica na dan, 02.06.2015. godine

Vlada Federacije BiH dostavila je Parlamentu Federacije Izvještaj o zaduženju Federacije BiH na osnovu emisije obveznica dostavljen 29.09.2014. godine, koji je Vlada Federacije usvojila 18.06.2015. godine.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 28 glasova za, uz 12 uzdržanih glasova i uz pet glasova protiv, primio na znanje Izvještaj o zaduženju Federacije BiH na osnovu emisije obveznica dostavljen 29.09.2014. godine.

24. Izbor i imenovanja:

- **Rješenje o prijedlogu za imenovanje jednog člana Regulatorne komisije za energiju u Federaciji BiH iz reda bošnjačkog naroda**
- **Prijedlog Odluke o razrješenju člana Nezavisnog odbora**
- **Rješenje o prijedlogu za imenovanje jednog člana Regulatorne komisije za energiju u Federaciji BiH iz reda bošnjačkog naroda**

Radi razmatranja i imenovanja Vlada Federacije BiH dostavila je Parlamentu Federacije rješenje o prijedlogu za imenovanje jednog člana Regulatorne komisije za energiju u Federaciji BiH iz reda bošnjačkog naroda i saglasnost predsjednika i potpredsjednika Federacije BiH u vezi sa rješenjem o prijedlogu za imenovanje jednog člana Regulatorne komisije za energiju u Federaciji BiH iz reda bošnjačkog naroda.

U raspravi niko nije učestvovao.

Na osnovu rezultata glasanja, predsjedavajuća je konstatovala da Dom naroda Parlamenta Federacije BiH **nije donio** odluku o imenovanju Mehmedalije Sijarića za člana Regulatorne komisije za energiju u Federaciji BiH iz reda bošnjačkog naroda, jer je za glasalo 26 delegata, pet delegata je bilo uzdržano a 14 delegata je bilo protiv.

Budući da je izražena sumnja u rezultate glasanja, pristupilo se poimeničnom glasanju koje je obavio sekretar Doma naroda.

Na osnovu rezultata poimeničnog glasanja, predsjedavajuća je konstatovala da Dom naroda Parlamenta Federacije BiH, sa 27 glasova za, uz 13 uzdržanih glasova i uz osam glasova protiv, **nije donio** odluku o imenovanju Mehmedalije Sijarića za člana Regulatorne komisije za energiju u Federaciji BiH iz reda bošnjačkog naroda.

- Prijedlog Odluke o razrješenju člana Nezavisnog odbora

Predstavnički dom Parlamenta Federacije je na 1. sjednici, održanoj 13.05.2015. godine, donio Odluku o razrješenju Nezira Pivića člana Nezavisnog odbora zbog odlaska na drugu dužnost.

U raspravi niko nije učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 36 glasova za, uz četiri uzdržana glasa i uz jedan glas protiv, donio Odluku o razrješenju Nezira Pivića člana Nezavisnog odbora zbog odlaska na drugu dužnost.

Predsjedavajuća je čestitala Bajram pripadnicima islamske vjeroispovijesti i završila sjednicu u 16 sati.

Sjednica je završena u 16 sati.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVALA

Lidija Bradara